

Swift
POTHAM
Bishita Inespera pa come?..... No tin problema. — Un Sandwich di „Potted Meat“ prepara cu salada semper ta worde aprecia!
Wimco

ARUBA ANSE COURANT

ORANGE Crush

Diario pa



Aruba

KING SIZE COCA-COLA
MORE FOR YOU!

AIRCONDITIONING FOR COOLNESS
Tel. 2170



ANJA 23

DIASABRA 2 FEBRUARI 1963

No. 4556

RUSK TOCANTE E CONFLICTO DI MERCA CU CANADA

Fracaso na Brussel ta trece problemanan

WASHINGTON, 2 febr. — E minister mericano di exterior a participa ajera na un conferencia di prensa cu ta duel e cu expresionnan mericano tabata causa di e conflicto cu Canada. Manera ta conoci departamento di exterior di Merca a expresa su mes tocante provision di forsa militar di Canada cu armanan nuclear.

Brussel

Pero, asina Rusk a bisa, tabatin necesidad di aclaracion di e situacion cu no a worde crea pa Merca. Tabata necesario, asina minister Rusk a bisa, pasobra siman pasa den Camara di Diputados di Canada nan a participa algun hecho for di deliberacionnan confidential entre e dos gobiernonan. Diferente orador den e camara a bisa cosnan cu a resulta di ta un interpretacion nobo di e tactica mericano.

FECHANAN DI TERMINACION PA FABRICANAN QUIMICA

ORANJESTAD, 2 febr. — Mas o menos na mei p.v. por worde spera cu e fabrica di amoniak di Antilles Chemical Company na Barcadera ta bai produci. E fabrica actualmente ta casi termina y na nan ta controla e machin y tubonan. En cuanto e tres fabrican di Aruba Chemical Industries nos a worde informa, cu e fecha di terminacion di e fabrica di ureum ta dia prome di juli p.v., pa e fabrica di salpeterzuur dia prome di augustus y pa e fabrica di kunstmest mescla 15 di augustus.


Por sobra insidernan si tabata di opinion cu e periodonan a ser tumo poco corticu, y cu tin hopi chens cu lo bira poco mas laat cu e fechanan mencionada.

Un investigacion di mercado a muestra cu kunstmest lo por worde exporta den cantidadnan grandi.

RECEPCION A BORDO DI „ISIS“

ORANJESTAD, 2 febr. — Diahuebs anochi a ser duna a bordo di e barcu di KNSM „Isis“ cual a drenta como prome den e haf di Barcadera, un recepcion na ocasion di e hecho memorabile. Nos a observa entre e presentenan e.o. gezaghebber interino I.S. de Cuba, diputados F. J. Tromp, F. Wernet, secretario di territorio insular L.C.M. Kerstens, funcionarianan haltu di D.O.W. y W.E.B., representantenan di Havenwerken, Aruba Chemical Industries, Antilles Chemical Company y Lago, y tambe Havenmeester J. Berkhouf y agente di K.N.S.M. P.G. van Dam y su coleganan. Tabata un recepcion exitoso.

„Isis“ di KNSM tabata e prome barcu diahuebs mainta, cu a mara na e waf nobo na Barcadera, traha pa „Havenwerken“. Aki nos ta mira con „Isis“ juda pa „Arikok“ ta mara na e waf. E parti di waf dilanti no ta cla ainda y apenas ta sali riba di awa.




Inglaterra na mercado comun di Europa.

E fracaso di e deliberacionnan na Brussel ta trece problemanan grandi riba terreno comercial, pero eseynan no ta forma e unico cuadro den cual mester haci esfuerzo pa union di occidente. Minister Rusk a muestra en relacion cu esaki riba e necesidad di intencionnan general di banda di occidente contra di e presion cu Union Sovietica ta ehece riba mundo liber.

OFERTA INGLES PA NAVO

PARIS, 2 febr. — Na Paris nan a tende di fuente di NAVO cu Gran Britania a informa su aliadonan di NAVO di e oferta Ingles, pa pone un cantidad di avion di bombardeo di e tipo Vulcan na disposicion di e forza nuclear di NAVO. Asina ta para den un noticia for di Paris.



Esaki ta un portret di e team dominicano di softball cu a yega ayera pa hunga aki na Aruba. Para di r. pa dr. Felipe Jaime Debrand, Jose Manuel Ramos Ovalles, Alejandro Antonio Hernandez, Zoilo A. Santos Cespedes, Cesar Fernandez (manager), Jose Gonzalez Velazquez, Jose Valdez, y Rafael Diaz Quesada. Sinta di r. pa dr. Nicolas Madera, Jose Manuel Perez Castro, Santiago Lopez Olivo, Fermin Meji y Nelson Baldera Santaua.

tene eleccionnan pa directiva nobo, mientras cu alavez nan lo componen e diferente comisionnan di nobo.

Torno pa baha ta toca na presidente P. Croes y e miembronan Maximo Croes, D. D. S. Ridderstap, Juan Bricezen y Lucas Hernandez. Tambe e vacatura cu a bin existi door di bahaminta di sr. G. B. Figaroa mester wordé jena.

BOET DI FL. 500.— PA HINKAMENTO

ORANJESTAD, 2 febr. — E marinero C.W.B. a worde sentencia ayera malinta pa un boet di fl. 500.— pa motibo di a hinka un compajero cu cuchin.

Dia 8 di december anja pasa e marinero aki a hinka un otro marinero cu un sambuchi den barica. Fiscal sr. S. H. Tjon Ajong, a tene cuenta cu durante di e pelea acusado tambe a hanja varios corta prome cu e mes a hinka.

Su demanda di fls. 500.— di boet o 100 dia sera a worde acepta pa huez.

NOTICIA DI POLIS

Robo den Rumshop

SAVANETA — Un biha mas tabatin un caso di hortamento den rumshop, ora cu diahuebs mainta sra. E. A. a duna keho cu den e anochi anterior nan a horta den su Viceroy Rumshop na Rooi Koochi 18.

Desconocionnan a kibra e bentana na e skarniennan y asina a drenta. Tabata falta dos carton di sigaria, dos cahia di bals y algun botter di bebida sterki. Den curso di diabiernes polis a detene tres hobennan F.D., J.W. y J.B. entre edad di 18 y 19 anja. Nan a admitti di a comete e robo en kestion.

pa tur bo aseguronan **FATUM — Tel.: 1845**

Bicicleta contra auto

ORANJESTAD — Den George Madurostraat e mucha O.G. mester a kita di repente pa algo den camina y su bicicleta cu e tabata corre a bai dal contra di un auto cu tabata para cantu di caminda. E auto a hania algun danjo chikito y tata di e mucha a priminti di paga e danjo aki.

A hanja y perde

Sr. Nicholson a hanja un oloshi di man pa damas marca „Longeire“ den Oriental Laundry. Elena Geerman di Boton 11, a perde un cantera color corra cu forma di

Kibramento di jaloesie a costele 4 dia sera

ORANJESTAD, 2 febr. — Pa motibo cu dia 13 di november di anja pasa A.B.Q. a kibra un jaloesie di cas cu un piedra y e piedra a dal mon di e senjora den cas, huez a sentenciele ayera pa cuater dia sera.

Nan a acusa Q cu dia 13 di november el a tira un piedra y a kibra algun plachi di jaloesie di un cas den Joha, de Witstraat na Playa.

Acusado despues di e acusacion a admitti, pero a agrega cu no ta varios, sino ta solamente un plachi el a kibra. Riba e pregunta di huez ta pakiko el a haci tal, acusado a cumenza duna e motibonan.

Su senjora a costele cu ora cu e (senjora) eha di hishita hu'shoud-school di anochi un tal G. kende ta biba den e cas den J. de Witstraat, tabata molestie na caminda di eha. Un anochi acusado a dicidi di bai investiga su mes. Y enherdad el a mira cu ora cu scol a caba, e tin G. kende tabatin su auto para bon dia di scol, a cumenza hek su auto den direccion di e senjora.

Acusado e ora cu el a jega cerca y ora cu G. a mirele el a primi gasolin y sigi bai. E mainta siguiente acusado a bai na cas di G. pa paria e nele, pero algun hende di ey banda a consehele pa mihor e lubida e cos. Acusado a obedeece y a bai su cas. E mesun dia ey e (acusado) tabata camina cu dos otro amigo riba eha y den esey e tipo G. tabata bini den su auto. Segun acusado a declara G. a manda e auto riba die, pero acusado a hula un banda y e auto na a mishi canele. Un di e amigonan a hanja un toque chikito di e auto na su pla y man.

Ta riba e suceso aki acusado a rapapari, conteniendo fls. 7.35 y un cheque di Aruba Commercial Bank cu valor di fls. 75.50 y cu ta na number di Paulus Geerman. Catharina Mardenborough a perde su anjarchi di pensioen di behez.



CINCUENTA FLORIN PA DAL DAMA

ORANJESTAD, 2 febr. — Huez ayera malinta a sentencia e curazonlenjo R.M.B., pa cincuenta florin di boet o diez dia sera, pa motibo cu anja pasa el a maltrata e dama G.M.O.

Acusado, kende tabata sperando riba separacion for di e dama aki cu kende

e tabata biba den un cas na Bernhaldstraat, a worde prohibi poco tempo pasa pa buez, pa drenta e cas mencionada.

Dia 30 di november acusado, a bai tog y el a declara di a dal e dama un mokete ora cu esaki, a bini cu un cuchu riba dje. Tambe ora cu e dama a bai jama polis el a hanja un mokete.

Fiscal a pidi castigo di cincuenta florin o 10 dia sera y cu local huez, a bai di acuerdo tambe.

MERCA LO REANUDA PRUEBANAN NUCLEAR SUBTERRANEO

WASHINGTON, 2 febr. — Dean Rusk, e minister Mericano di exterior, a participa pa prensa, cu Merca ta haciendo preparativonan pa reanuda su pruebanan nuclear bao di tera, awor cu e deliberacionnan informal cu e Rusonan tocante un prohibicion di prueba nuclear a keda suspende.

Pronto president Kennedy lo duna mas informacion tocante e asunto aki. Manera ta conoci e Rusonan a kibra e deliberacionnan informal cu Inglatera y Merca. E negociacion pa stop e pruebanan nuclear lo worde reanuda dia 12 di februari na Geneva. Rusk a bisa, cu na e deliberacionnan informal nan a hania e impresion, cu e Rusonan no kier admitti mas cu dos of tres punto di control local. Esaki Merca ta considera na un pais manera Union Sovietica, cu territorioonan grandi cu no ta pobla, insuficiente.

PRIMADO A MURI

E primado di Irlanda, cardinal John Dalton a muri na edad di 80 anja. El a regresa diamars di e cuatru di cardinal Godfrey, e arzobispu catolico di Westminster.

Diles prome cu su salida for di Aruba, Pastoor Birgeveester a despedi di e personal di Voogdijraad y Reclausing. Aki nos ta mira e pastoor entre su anjungan di e dos organisacionnan.



E principe heredero di Grecia, Constantin aki den compañía di su comprometida princesa Anne Marie (roboz) di Dinamarca en tin diezsis anja y su ruman muher princesa Margrethe (drechi).

Proposicion pa rebaho di tarifa

PARIS, 2 febr. — E representante principal di president Kennedy pa deliberacionnan comercial, Christian Herter, a insisti na Paris, pa un rebaho uniforma di e tarifa di tarifa. El a bisa, cu e metodo tradicional no ta pa mas tempo un metodo satisfactorio pa alianza rebahonan importante di tarifa.

Paris, 2 febr. — E representante principal di president Kennedy pa deliberacionnan comercial, Christian Herter, a insisti na Paris, pa un rebaho uniforma di e tarifa di tarifa. El a bisa, cu e metodo tradicional no ta pa mas tempo un metodo satisfactorio pa alianza rebahonan importante di tarifa.

INDONESIA Y NOORD BORNEO

DIAKARTA, 2 febr. — E jefe di staf di ehercito Indones, general majoor Achmed Yani a bisa ayera na e grupanan na Pontianak na West Borneo e uhercito ta spera riba comando pa yuda e pueblo na Noord Borneo na e lucha pa independencia, asina e agencia oficial di prensa Antara a participa ayera.

DIAKARTA, 2 febr. — E jefe di staf di ehercito Indones, general majoor Achmed Yani a bisa ayera na e grupanan na Pontianak na West Borneo e uhercito ta spera riba comando pa yuda e pueblo na Noord Borneo na e lucha pa independencia, asina e agencia oficial di prensa Antara a participa ayera.

AUTODETERMINACION PA NJASSALAND

ZOMBA, 2 febr. — Ayera dr. Hastings Banda a acepta puestu di prome minister di Njassaland, cu e pais aki a hantia tambe autodeterminacion, como delaster paso pa un independencia completo. Inglaterra ta goberna Njassaland pa 60 anja.

ZOMBA, 2 febr. — Ayera dr. Hastings Banda a acepta puestu di prome minister di Njassaland, cu e pais aki a hantia tambe autodeterminacion, como delaster paso pa un independencia completo. Inglaterra ta goberna Njassaland pa 60 anja.

40 Anja largu Banda a lucha pa independencia di su pais y a regresa Njassaland un anja y mei pasa despues cu el a sali di e pais aki. Mas den dia gobernador Sir Glya Jones a jura e gabinete den presencia di 230 invitado. No tabatin representantenan di e gobierno Federal di Rhodesia.

40 Anja largu Banda a lucha pa independencia di su pais y a regresa Njassaland un anja y mei pasa despues cu el a sali di e pais aki. Mas den dia gobernador Sir Glya Jones a jura e gabinete den presencia di 230 invitado. No tabatin representantenan di e gobierno Federal di Rhodesia.

UNIVERSIDAD MERICANO TA RECHAZA ESTUDIANTE DI COLOR

JACKSON, 2 febr. — E estudiante di color Dewey Roosevelt Green, cu segun e universidad di Mississippi, no ta satisfase na e exelgencianan pa admision y lo no wordu inscribi, a hazo un peticion na e corte di justicia di distrito pa ordena su admision na e universidad, asina su abogado a bisa.

UN BOTO CU CAYON DEN AWANAN TERRITORIAL DI MALEIE

JOHORE BAHRU, 2 febr. — Un boto cu cayon, segun nan ta supone ta un bapor Indones, a penetra diarazon pasa den awanan territorial di e Federacion di Maleie den cercania di Johore Bahru den e estado Johore, asina noticianan fidedigno a anuncia. Cincu miembro di tripulacion a rema bai cerca un boto chiquito cu tabata na ancla y tabatin cinco ton di caucho abordo y a sendela na endela y a rema diru bai nan bapor, pero botonan di patrulla no por a alcanzanan.

NOORD RHODESIA

LOESAKA, 2 febr. — E lidernan di dos partido nacionalista di Africa, cu ta forma e gobierno di coalicion di Noord Rhodesia, a entrega misionnan oficial den cual nan ta hazo un apelacion na Inglaterra pa duna e riansonnan baa di terra na Noord Rhodesia na e federacion di Noord y Zuid Rhodesia y Njassaland.

HERTER NA LONDEN

LONDEN, 2 febr. — E representante special di president Kennedy pa asuntunan comercial, Herter, a yega Londen ayera for di Paris pa conferencia en ministerio Ingles, asina nan a anuncia na Londen.

TURQUIA KIER EXPANDE AWANAN TERRITORIAL

ANKARA, 2 febr. — Turkia tin idea di expande awanan territorial di tres te seis milla den laman y haci e frontera den laman pa piscamentu 12 milla den laman.

E corant Choemhoeriet a anuncia, cu nan a entrega cerca parlamento un tal proyecto di ley y nan ta spera cu pronto nan lo tumele den consideracion.

CUBA Y E RUSONAN

WASHINGTON, 2 febr. — Segun e senador republicano di Merca, Kenneth Keating e Rusonan ta mantene nan instalacionnan di lansamentu di raket na Cuba. El a bisa ayera den senado, cu nan tin pruebanan pa esaki. E Rusonan no a haci nada pa kibra e luganan di lansamentu o kisa nan manera nan a spera, asin e senador Keating a bisa.

E ta hantia, cu e hecho cu nan ta mantene e luganan di lansamentu dia y anochi, ta muestra, cu Union Sovietica ta spera pa bolbe staciona raketnan na Cuba.

Podiser e raketnan aki ya ta riba e isla y solamente mester wordu saca for di nan escondite, segun Keating.

Un boseru di e ministerio di defersa, cu a duna comentario riba expresionnan di Keating, a bisa cu nan a destrui e camindanan di beton y otro instalacionnan. No tin ningun prueba, cu e luganan di lansamentu por wordu usa ainda, o cu nan ta sigui mantene nan, asina el a bisa.

DELIBERACION TOCANTE ARMA NUCLEAR

NEW YORK, 2 febr. — E conferencia di tres potencionan tocante prohibicion di pruebanan nuclear cu nan a tene e siman aki na New York, a wordu termina riba peticion di Union Sovietica, Delegadonan Mericano, Ruso y Britanico a haci e deliberacion.

E delegacion Ruso a propone pa bolbe tene e deliberacion tocante arma nuclear den e comision di 18 pais na Ginebra. E comision aki, ta di vacation, y lo reuni te dia 12 di februario proximo. Nan a anuncia for di fuente Ruso, cu nan ta cerca di un acuerdo.

HUELGANAN NA EUROPA

E personal Frances di coreo y telegraf a cuminsa ayera un huelga di 24 ora. E huelga ta completo. Tambe e personalnan cu ta planta herdera ta huelga pa motibu di e medidanan di prijs di gobierno. E huelga aki lo dura largu.

Mas di 800 obrero di e luga Pireaus di Grecia a cuminsa un huelga di hamber. Tabatin ayera noch bringamentu entre polis y obreronan di haf cu ta demostra.

E doctornan jefe di hospitalnan publico di Italia a cuminsa ayera un huelga pa tempo no limita, pasombra nan no ta contentu tocante e proyecto di ley di nan puesto. Solamente nan ta trata casonan urgente.

PUESTO PA ROOSEVELT JR

WASHINGTON, 2 febr. — President Kennedy a participa cu e kier nombra Franklin Roosevelt Jr. di 48 anja, un jiu di defunto president Roosevelt pa segundo minister di comercio. Roosevelt Jr., cu actualmente ta lider di un empresa di automobiel na Washington, tabata di 1949 te 1954 miembro di camara di delegadonan. El a regresa 1960, den cual anja el a bolbe tuma parti na e campanja di Kennedy pa presidencia.

BISHITA DI MINISTER FREY NA MADRID


PARIS, 2 febr. — Roger Frey, minister Frances di interior, a duna ayera president De Gaulle rapport di e bishita cu el a haci e siman aki na Spanja. El a papia na e oportunidad aki cu autoridadnan Spanjo tocante refugadonan politico Frances cu ta keda na Spanja.

Fuenternan socialista y comunista a critica e bishita di Frey fuertemente

YOBIDA RADIOACTIVO

E yobida di sneeuw di medio december te medio januari den forma di sneeuw y awaera tabatin hopi radio actividad.

Asina e gobierno Hapones a anuncia. Nan ta pone falta di e radioactividad aki na e pruebanan Ruso na tin di anja pasa.



E „isla cu ta drief“ di e experto submarino frances, comandante Yves Cousteau a bini cla. Ariba di e pipa largu cu ta zweef den awa ta keda e edificio cu e habitacion y tallernan di e ocupantenan. E construccion lo bai para entre Nice y Calvi na Sur-Francia.

BALANZA DI PAGO DI MERCA

WASHINGTON, 2 febr. — Minister mericano di finanzas Douglas Dillon a declara cu e cambio dje balanza mericano di pago den e ultimo dos anjanan no tabata suficiente. El a avisa cu den e lunanan cu ta bini nan ta spera un bahamentu discreto di oro.

Segun Dillon ta necesario exportacion mas grandi y un contribucion mas grandi di aliadonan europeo na e gastonan di ayudo pa exterior y defensa, si e deficit di balanza di pago kier muestra un mihoramentu.

Ta absolutamente necesario mas economisacion riba gastunan di gobierno den exterior, asina el a agrega.

Papiando di desmon na Europa como consecuencia dje veto frances tocante peticion britanico pa afiliacion den EEG, el a bisa, cu esaki por yuda e balanza mericano di pago. E perspectiva economico na West Europa risa terminanan largu, lo no ta probablemente asina favorable si nan tabata

na Brussel prome cu e fracaso dje deliberacionnan na Brussel. Actualmente tin un abismo na Europa, posiblemente tambe un abismo den e seis paisnan di EEG, asina Dillon a bisa. Esaki por conduci pa un rebaho notable dje capital mericano y hasta pa un rebaho di capital pa Merca. Loke ta referi balanza di pago, esaki lo por ta util, segun minister mericano di finanzas.

LAGERHUIS TA ACEPTA ACUERDO DI NASSAU

LONDEN, 2 febr. — Lagerhuis a expresa ayera noch cu 330 contra 236 voto nan aprobacion pa e acuerdo di Nassau, caminda Merca ta pone raketnan Polaris na disposicion di Gran Britania.

Un amendement di e oposicion socialista, den cual nan a declara, cu e camara no tin confianza den e gubernacion militar cu a fracasa, a wordu rechaza cu 337 contra 24 voto.

OPERACION DI NIER EXITOSO

Den e ciudad Mericano Denver e doctornan a hincia cu exito un nier salu den curpa di un homber, kende su grupo di sanger no ta pas cu esun di su ruman nuhe, cu a dunela un di su niernan. Segun e doctornan esaki ta e prome caso, caminda un tal transplantacion a hira un exito.

Door di un enfermedad e homber a perde tur dos su niernan.

JOYA REAL A DISPARCE

Un di e joyanan di cronu real den Tower di Londen, no a wordu hantia na e limpieza anual. Ta trata akion di un cos cu no tin asina tantu balor, pero cu ta costa segun calculo 50 libra esterlina local na igual na 250 florin Antillano.

FAMILIA REAL DI VACACION PA LECH

DEN HAAG, 2 febr. — La Reina, Principe Bernhard y Princes Beatrix sali ayera mainta pa Lech na Austria. Ayenan nan lo keda cu princesa Irena y Margriet te 16 di februario.



Den e hotel Excelsior na Roma nan a introduci e moda nobo pa mucha, local tabata un obheto gracioso pa e fotografonan.

BO HOROSCOPO PERSONAL

ARIES 21 Maart — 20 April



Awe mainta ta e periodo mas oportuno pa hantia exito. Anochi ta agradabel.

TAURUS 21 April — 20 Mei



Amigunan lo hunga un rol importante awe, trata pa pasa e weekend cu calma.

GEMINI 21 Mei — 20 Juni



Awe mainta ta favorable pa logra resultadonan rapido den bo trabou.

CANCER 21 Juni — 22 Juli



Awe noch ta favorable pa asuntunan social, bishita etc. Bo popularidad lo aumenta.

LEO 23 Juli — 22 Augustus



Awe bo por hantia un noticia bon, mainta ta favorable pa paga bo debenan.

VIRGO 23 Augustus — 22 September



Actua rapido ora bo hantia chens pa traha huntu cu otro awe mainta.

LIBRA 23 September — 22 Oktober



Awe ba mester usa tur bo energia pa bo logra algu, cuminsa tempran.

SCORPIO 23 Oktober — 22 November



Awe tardi un hende lo puntra bo pa judé cu su problema, ha cu loke bo por.

SAGITARIUS 23 November — 21 December



Si bo kier logra algo awe, bo mester haciele den oranan di masina.

CAPRICORNUS 22 December — 19 Januari



Awe ta bini poco cambio desfavorable den bo relacion cu amigunan.

ACUARIUS 20 Januari — 18 Februari



Awe mainta ta favorable pa gumpira of bende algo, e weekend aki bo lo ta ocupa.

PISCES 19 Februari — 20 Maart




Bo tin bon oportunidad awe pa aumenta bo entrada y haci progreso.

BUCHI ROBEZ

presenta pa cortesia di: PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas



Eczema Itch Killed In 7 Minutes

Your skin has nearly 10 million tiny sensus and pores where germs hide and cause terrible itching, Cracking, Eczema, Peeling, Burning, Acne, Ringworm, Psoriasis, Blackheads, Pimples, Foot Itch and other blemishes. Ordinary treatments give only temporary relief because they do not kill the germ cause. The new discovery, Nixoderm, kills the germs in 7 minutes and is guaranteed to give you a soft, clear, attractive, smooth skin in one week, or money back on return of empty package. Get guaranteed Nixoderm from your chemist today and remove the real cause of skin trouble.